

# Powšitkowne WOZJEWJENJA

njedźelu, 24. januara 2021

## Wusyłanje Božeu mšow

Serbskorěčnu Božu mšu móža wěriwi tutu njedźelu, 24. januara, znova jako live-stream w interneće scěhować. Dopoldnja w 9 hodź. přenjese so wona z Chróšćanskeje, dalša hižo we 8.30 hodź. z Kulowskeje cyrkwyje. Linkaj stej na internetowej stronje [www.posol.de](http://www.posol.de) wozjewjenej.

## Za klósterski swjedžen so přizjewić

Lětuši klósterski a swójbny swjedžen Budyskeho wokrjesa ma so njedźelu, 13. junija, wotměć. Towarstwa, kulturne skupiny, wikowarjo a wuměłcy, kiž chcedža so w klóštrje Marijinej hwězdze prezentować, měli so hač do njedźele, 28. februara, přizjewić. Přizjewjenske formulary k tomu su w interneće mjez druhim pod [www.marienstern.de](http://www.marienstern.de) a [www.landkreis-bautzen.de](http://www.landkreis-bautzen.de) wozjewjene.

## Nowa notowa knižka za husle

„Moje małe porsćiki rady maju huslički“ rěka nowa notowa knižka, kotruž je Weclichec hudźbne nakładnistwo wudało. Wona wopřija 40 wobdźěłanych serbskich adwentnych, hodownych, ludowych a dalšich spěwow a je za džěci myslena, kotrež wuknu na huslach hrać. Zdobom su w njej tež hornjo- a delnjoserbske spěwne teksty wozjewjene. Notowa knižka za husle je pokročowanje přenjeje tajkeje knižki, ale z wobdźěłanymi pěsnjemi za blokowu fletu. Ta wuńdže před třomi lětimi pod titulom „Zaklinča-li pišćalka, zhrěje mi so wutroba“.